

SURMEIR: teir campester 2021

## Treis veterans alla testa

Gion Nutegn Stgier/FMR

**Aint igl district da Teir Alvra on 155 tiradours e tiradouras tratg igls 18 colps digl teir campester. Sen la distanza da 300 meters on treis veterans sagetto igl pi precis cun l'arma da militer. La distanza curta gudogna en gioven.**

Avant en onn ò igl teir campester gia li set emdas pi tard tgi usito, chegl perveia da covid-19. Da preschaint ò chel gia li scu adegna alla fegn da matg. Aint igl Grischun on tratg, sen la distanza da 300 meters, 2 095 tiradours e tiradouras igl teir campester. Chegl èn 337 daples tgi anc avant en onn. Cun la pistola on 913 participants e participantas tratg igl program da 18 schozs, sainza provas. Cò schea igl augmoint tar la participaziun tar 110 dels. An Surmeir on 155 omens e donnas sagetto igl teir campester, chegl tg'èn 35 daples tgi igl 2020. Vurdo cantunal è reuschia a dus tiradours da trer cun l'arma da militer 90 igl resultat maximal da 72 puncts. Chegl èn Andrea Stiffler (Tavo) gio per la terza gEDA igl maximum e Daniel Cabalzar (Castrisch). Sen la distanza curta cun la pistola d'ordonnaz ò Arthur Bärtsch (St. Antönien) tratg 18 dieschs da fila e fatg igl maximum da 180 puncts.

### Dus tiradours cun experientscha

Nign resultat maximal ègl do a Crappa Naira ed a Rona sen la distanza da 300 meters. An general è nia sagetto bagn tigl teir campester 2021. La quota da cranz è fitg bunga cun 69.5%, detg oter madema scu la media gri-



Eneda duple tranter igls miglers tiradours: Gila Cadotsch.

schuna. Fatg 69 puncts ò scu unic Beat Bütikhofer, en tiradour digl cantun Berna, tg'è commember dall'Uniun da teir Alvra. En punct pi pac ò sagetto Gila Cadotsch (Savognin). Scu igl victour è er el en veteran (annada 1953) e gio decennis en tiradour passiuono. An Surmeir ò Gila Cadotsch er gio gudagnea igl teir campester ed er igl teir Banadetg Fontana. Chest onn ò el mantganto angal per en punct da star igl pi sensom igl podest tigl teir campester. Igl matscheur è ainten la regiun Alvra sur onns egn digls miglers tiradours, cun aveir savens success tar teirs cantunals, federals e regionalis. Igl madem ins dastga er deir da René Frauenfelder (Mot). A Crappa Naira ò el tratg dumengia passada tigl teir



Dalla Val Alvra ò René Frauenfelder da Mot tratg igl pi ferm tigl teir campester.

campester 68 puncts e cumpletto igl podest. Scu Beat Bütikhofer e Gila Cadotsch è er René Frauenfelder en veteran da teir. El s'angascha fitg pigl sport da sagettar e cunzont er per la Societad da teir Mot. Vetiers vign tg'el è er en tiradour tg'ins catta savens davant ainten las rangaziuns, cunzont chellas digl teir campester. Fatg 68 puncts on er Gino Ardüser (Casti) e Johannes Tomaschett (Filisour). Tots dus èn tiradours e catscheders passiuonos. En palmarès tgi sa lascha mussar on els an spezial cun trer adegna fitg ferm tigl campunadi grischun da gruppas e chegl mintgamai cun lour quatter ameis-tiradours. La victorgia da Dominik Oberli (Barvogn) sen la distanza curta è bagn ena sorpresa. Igl gioven



Rico Liesch da Brinzauls metta la muniziun aint igl magasin.



Egn digls bliers juniors tg'on sagetto a Crappa Naira: Luca Cadosch da Lantsch.



da 23 onns ò tratg 169 puncts ed obtignia enbung resultat. Betg tratg a Rona sen la distanza da 25 meters ò igl matadour local Enrico Cola tg'ò fatg tigl teir campester gio ples gedas igl maximum da 180 puncts.

### Rangaziun 300 meters

1. Beat Bütikofer, Farrera/Hünibach, 69 puncts, 2. Gila Cadotsch, Savognin 68 puncts, 3. René Frauenfelder, Mot, 68 puncts, 4. Gino

Ardüser, Casti, 68 puncts, 5. Johannes Tomasschett, Filisour, 67 puncts, 6. Reinhard Plank, Lantsch, 67 puncts, 7. Ivan Sgier, Tinizong, 67 puncts, 8. Benno Gruber, Farrera, 67 puncts, 9. Edwin Candrāja, Mot, 66 puncts, 10. Walter Gubser, Barvogn, 66 puncts, 11. Claudio Brazzerol, Farrera, 66 puncts, 12. Roger Janett, Tinizong, 66 puncts, 13. Nicolo Nobs, Filisour, 66 puncts.

### Rangaziun 25 meters

1. Dominik Oberli, Barvogn, 169 puncts, 2. Curdin Nicca, Savognin, 168 puncts, 3. Gino Gubser, Barvogn, 166 puncts, 4. Daniel Buschauer, Filisour, 166 puncts, 5. Domenic Jäger, Beiva, 165 puncts, 6. Claudio Brazzerol, Farrera, 165 puncts, 7. Michael Klein, Tinizong, 165 puncts, 8. Filip Dosch, Cunter, 164 puncts.



Ena gruppia tiradours e tiradouras tgi persequitescha scu tgi la concurrenza teira.



Bungas relaziuns da teir tigl teir campester 2021, er a Rona e Crappa Naira.

Fotos Gion Nutegn Stgier

## GRISCHUN: teir da gruppas cantunal

### Nignas gruppas surmiranas

Gion Nutegn Stgier/FMR

Dallas seis gruppas dalla Val Alva e da Surses èn nignas sa qualifitgeidas per l'amprema da treis rundas naziunalas. Ena sorpresa è bagn tgi digls Tiradours da sport Alvra è betg ena suleta gruppia ple dalla parteida. Igls davos onns èn adegna stadas aglmanc dus gruppas da chell'uniun agl final grischun a Coira. Scu gio gl'onn passo ò chel er da preschaint betg gia li perveia da covid-19. Dallas 74 gruppas digl noss cantun tg'on sagetto la sagonda runda grischuna èn sa qualifitgeidas 34 gruppas per l'amprema da treis prerundas svizras. Scu gio menziuno, da Surmeir betg egna. Disfurtegn è bagn gia la gruppia Alvra Tiaun cun mantgantar angal per pac la qualifitgeida svizra ainten la categoria A, chella cun l'arma da standard. La gruppia dalla Val Alva è neida 13avla da 21 gruppas. Da chellas restan 12 venavant anc ainten la concurrenza. Gia nignas schanzas da cuntinuar cun l'ocurrenza on alloura las otras tshintg gruppas da Surmeir. En success ègl pero do tuttegn ord vista da Surmeir. La gruppia da Rothenbrunnen, campium svizzer 2019, ò gudagnea la categoria D, arma da militer 57/03. Commembers da chella gruppia èn cun Franz Josef Plaz e sies fegl Kevin Plaz er dus tiradours surmirans. Bab e fegl èn uriunds da Savognin, sesents èn els aint igl cantun Argovia. Er per els dus cuntinuescha la con-

currenza da gruppas. Da supponer è tgi la gruppia da Rothenbrunnen vo eneda duple agl final svizzer a Turitg, er schi èn da trer anc treis rundas naziunalas. La categoria A ò gu-

dagnea la gruppia da Favogn e tar la categoria E, arma da militer, sa nomna la gruppia vicitoura, Castrisch, ena gruppia tg'è davantada ples gedas campium svizzer.



La gruppia vicitoura da Rothenbrunnen. (da san.) Mauro Ardüser, Kevin Plaz, Franz Josef Plaz, Carl Frischknecht, Dirk Frischknecht.

Foto Gion Nutegn Stgier